


KE TLA GOLOLWA KE MANG ?

Ke ne ke rera Efangedi e e gakgamatsang ka Sondaga sengwe mo motsaneng wa kgosi ngwe kwa Lesotho. Ga phuthega bantsi jo bogolo bo na le kgosi le mohumagadi, bo tsile go utlwa Lefoko la Modimo. Lefoko la Modimo le le bogale bogolo go chaka ya magale mabedi, la tlhaba dipelo tsa batho ba le bantsi.

Ha ke ntse ke rera, mohumagadi mogatsa kgosi a simolola go lela se se botlhoko. A ema ka dinao, dikededi di ella mo marameng, a gowa a re: “**Ke tla gololwa ke mang?** Nthuseng tswetswee, pelo ya me e gagogile, ke moleofi yo o latlhegileng. **Ke mang yo o ka nthusang, ke tla gololwang ke mang mo kgolegong e e boitshegang e ya boleo?** Kana ke tla dirang? Lo nkitse lotlhe, ke mohumagadi mogatsa kgosi, ebile ke mosadi wa merapelo. Ke go feta dingwaga tse di masome a le mabedi, ke ntse ke tsena kereke, mme seo ga sea nkgolola, ga sea nthusa, boleo bo mprofile tsi. Ke letagwa, le mmolai. Diatla tsa me di makgapha ka ntlha ya bojalwa jo ke bo dirang jo bo rogilweng! Oho, boleo bo mprofile diatla le maoto, ke legolegwa la molete!”

KE TLA GOLOLWA KE MANG?



Yo o dirang boleo ke wa ga Diabole. 1 Joh. 3:8.

A simolola gape, a lela sa masetlapelo: Nthuseng! Nthuseng! Ke tla gololwa ke mang? Ke tla gololwa ke mang mo dikgoleng tse tsa boleo? Ke rata Modimo, mme boleo bo a ntaola. Boleo bo ntswa-tswailela mo moleteng. Ke bolaile morwake wa maitibolo wa lesea. Ke ne ke mmelege ke tagilwe, ka wa, ka pitika godimo ga gagwe, ka mo phyetla tlhogo, a swa. Nthuseng tsweetswee, nkgololeng mo losong lo! Seheitene ga sea nkgolola. Bodumedi ga boa nkgolola. Ke tla thuswa ke mang? Ke tla gololwa ke mang?

Ka araba ka re: A kagiso e nne le wena. O se ka wa solofologa. Tlalelo ya gago ke ya motho mongwe le mongwe. Buka ya Modimo, ebong Beibele, e na le karabo ya selo sa pelo ya gago. Baroma 7:15-25, o re bolelela kafa boleo bo re laolang ka teng, mme le gona re bolelela ka mongwe yo o ka re gololang.

Gonne kea itse gore mo teng ga me ga go a aga sepe se se siameng, [ebong mo nameng ya me]. Ke eletsa go dira molemo, mme ke tlhoka thata ya go o dira. Molemo o ke ratang go o dira, ga ke o dire, mme bosula jo ke bo ilang, jo ke sa rateng go bo dira kea bo dira. Boleo jo bo mo nameng ya me, bo mpoteletsa go dira bosula ka gale, mme molemo o ke ratang go o dira, ga ke o dire. Ke itumelela molao wa Modimo, o o leng mo mothong yo o ka kwa teng, mme go na le molao o mongwe mo ditokololong tsa me, o o tlhabanang le molao wa moya wa me, o o ntse-tseng mo taolong ya boleo.

Gautshwanyane gongwe goleejana selo se, se tla utlwala mo pelong ya mongwe.

“A NNA MONNA WA MAHUTSANA,”

Ke tla Gololwa ke mang?” Ha re lelela kwa Modimong, o tla re araba, mme o tla re golola.

Karabo: Ke leboga Modimo ka Jesu Kresete. Baroma 7:25. Ha Morwa a lo Golola, lo tla gololwa. Joh. 8:36.

Jesu ke karabo ya dipotso tse tsotlhe tsa gago. Ke karabo ya dipotso tsotlhe tsa rona. Ga go na poloko mo leineng lepe, ha e se mo go la ga Jesu fela. Ditiro 4:12. Ke Jesu fela yo o ka ra pholosang mo dibeng tsa rona.


Ke madi a gagwe fela a tshologileng a a ka re tlhapisang dibe tsa rona tsotlhe. Ga se ngaka, ga se molemo, ga se moitsaanape, ga se motho ga se moreri, ga se moruti, ga se kereke e e ka go pholosang mo dibeng. Ke Jesu Kwana ya Modimo fela, yo o tlosang dibe tsa lefatshe yo o ka go pholosang ka madi a gagwe, le ka thata ya Moya o o Boitshepo.

Jesu Morwa Modimo o tsile mo lefatsheng leno, go bula matlho a a fofetseng, go ntsha bogolegwi mo kgolegong, le ba ba dutseng mo lefifing mo tronkong. Jes. 42:6,7. Jesu o rile: Yo o dirang boleo ke mothanka wa boleo, mme ha Morwa Modimo a lo golola, lo tla gololwa.

Joh. 8:34-36. Jesu ke ene boammarure jo bo gololang.

Jesu Morwa Modimo o pegilwe le maleo a rona mo sefapaanong. Maleo a gago a koketetswe aotlhe mo sefapaanong. Rure o belege mathoko le mahutsana a rona. O ne a kwenisediwa ditlolo tsa rona, a ketekelwa tshiamololo tsa rona. Petso e e re leretseng kagiso e ne e le go ene, re fodisiwa ke mekhisa ya gagwe. Jes. 53:3-7.

KE LEBOGA MODIMO KA JESU KRESETE.



Yo Morwa (Jesu) o mo gololang o tla gololwa (Joh. 8:36).

Barabas e ne e le moleofi mmolai yo o athloletsweng loso, o ne a tshwanetse go bapolwa. Jesu a tsaya bonno jwa gagwe, a mo rwalela sefapaano, a mo swela. Jesu Morwa Modimo o ne a bapolwa boemong jwa ga Barabas, le mo boemong jwa gago. Mmolai a gololwa ka gonne mongwe o sule loso lwa gagwe. Ke wena le nna re leng bo-Barabas.

Tuelo ya bolele ke loso. Mme neo ya Modimo ke bophelo jo bo sa khutleng ka Jesu Kresete. Ha o ka leba kwa sefapaanong sa ga Jesu Kresete ka tumelo, o tla ipona o bapotswe mo go sona mmogo le maleo a gago. Jesu o tsere bonno jwa gago mo sefapaanong gore wena o tle o phele ka bosakhutleng. O tsholotse madi a gagwe gore o tle o itshwarelwe. Modimo o go ratile mo go kalokalo, wa ba wa go naya Morwa Ona yo o tsetsweng a le nosi, gore o se ka wa latlhega, mme o nne le bophelo jo bo sa khutleng.

Erile mohumagadi wa kgosi a se na go utlwa mafoko a, a dumela

ka botlalo mo go Jesu, a neela pelo ya gagwe mo go Ene yo o mo swetseng mo sefapaanong, a tsholola madi a gagwe go mo tthapisa dibe tsotlhe. Pelo ya gagwe e e boleo a e neela Modimo. Mme Modimo wa mo neela pelo e ncha, wa ba wa mo tlatsa ka Moya o o Boitshepo. Modimo ga o a mo itshwarela fela, wa ba wa mo golola mo thateng ya go leofa. Jaanong ke dingwoga a ntse a phela bophelo jo bo galalelang jwa phenyo. Ga nwe bojalwa, le ha ka nna jwa mofuta mang. Ga a goge le e seng go sunetsa motsoko, o phela bophelo jo bo phepa, mme ke mosupi yo o mafolofolo wa gore, yo o mo go Kresete, ke motho yo moša, dilo tsa bogologolo di fetile, bonang dilo tsotlhe di ntse dincha. 2 BaKor. 5:17.

Le wena mmuisi yo o ratagang, o ka gololwa ka go dumela mo go Jesu Kresete. Jesu o rile: Tlang go nna lotlhe ba lo lapileng, ba lo ime-lwang, ke tla lo lapolosa. Tlaya kwa go Jesu, fela kafa o ntseng ka teng, gongwe fa o leng gona. O mmolelle dibe tsa gago tsotlhe, le matshwenyego a gago otlhe. Ga a kitla a go leleka ha o tla kwa go ene ka pelo e e thubegileng, e e bonolo, le ee dumelang. Motlhamongwe o mokereke wa bogologolo, yo o bofilweng ke maleo. Tlaya kwa go Jesu, o tla go golola gona jaanong, fela jaaka a ne a fodisa molepero, le sefofu. Jesu ga fetoge, o sa ntse a kgona go fodisa pelo ee thubegileng, le go golola bagole-gwi. O itshwarela maleo a rona aotlhe, o itshwarela tshiamololo tsa rona tsotlhe. Ps. 103:3.

Ha o se na go neela Jesu pelo ya gago, o bolelele batho ba bangwe, kaga Ene yo o go golotseng. Le rona re rata go utlwa le le tswang koo go wena.

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)